



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Principalitate Romanæ Ecclesiæ

Roth von Schreckenstein, Hieronymus

Ingolstadii, 1550

VD16 R 3252

Cvm Ecclesia Sit Sponsa Christi sine ruga & macula unica & concordem
esse decet, ...

urn:nbn:de:hbz:466:1-30126

DE PRINCIPALITATE

sicut columba confirma pedes eorum, quid autem castius columbis? quid suauius & dulcius amore columbarum? quæ auriculæ ita sollicitæ in filiolis fouendis & amplectendis? Sic Ecclesia Catholica unica sit suauis dulcis & sollicita erga Sponsum suum, Sic sollicita etiam erga omnes CHRISTI fideles in uera Christi fide ad æterni DEI Regnum euehendos. Vnam autem columbam non plures inquit, Dicit enim, una columba mea. Nempe nulla auium ita in Diuinis literis celebratur ut columba. Nec Ecclesia solum assimilatur columbæ, immò spiritus ipse sanctus quoque. Columbæ enim instar uidit Ioannes spiritum sanctum descendentem & uenientem super eum. Math. 3. Veluti autem Ecclesia una est Columba sic unus est spiritus sanctus unicæ columbæ assimilatus.

CUM ECCLESIA SIT SPONSA CHRISTI sine ruga & macula unicam & concordem esse decet,

NAm quemadmodum Iurisperiti inquit, quod fictio imitetur naturam. Sic cum turpe sit si quis plures sponsas habeat, immò unica sponsa Christianum hominem deceat. Sic cum Ecclesia sit sponsa CHRISTI, necesse est unicam atque concordem esse debere sine ruga & macula. Sic Diuus Petrus in conuentu fratrum Romæ inquit. Propter quod uos o presbyteri Ecclesiam excolite & adornate, sponsam Christi ad pudicitiam. Sponsam autem dico

ROMANAE ECCLESIAE.

tem dico omnem Ecclesiam, id est congregationem credentium, quæ si pudica fuerit inuenta à sponso suo ingentibus ab eo donis & muneribus honorabitur, & uos ueluti ministri sponsæ & amici sponsæ ingenti gaudio & lætitiâ perfruemini. Si uero sponsa hæc reperta fuerit commaculata peccatis, ipsa quidem tanquam indigna trudetur à Regibus Toris, uos autem pœnas dabitis si forte per uestrâ negligentiam uel desidiam obrepserit contagio sæua peccati.

SIMILITUDO AD UNI-

cam filiam dilectam matri suæ.

MAter uero unicam filiam habens in eandem omnem amorem diffundit, nihil iucundius, nihil dulcius, nihil ita uehementer diligit, quam unicam illam filiã, sic unica nostra dilectio in unica Ecclesia dilecta filia matris suæ. Unicæ autem filiæ, non pluribus assimilatur, & amor quæ in unicam confertur. Sic non plures Ecclesias, sed unicam colere debemus. Quod si eam uarijs sectis diuidimus, iam mox non erit unica filia dilecta matri. Amor enim in plures diuisus refrigescit & extinguitur,

SIMILITUDO AD

fontem signatum.

D iij Sic